



REPUBLIKA E SHQIPËRISË
MINISTRIA E FINANCAVE

DREJTORIA E PËRGJITHSHME E TATIMEVE
DREJTORIA E SHËRBIMIT PËR TATIMPAGUESIT
Sektori i Asistencës dhe Shërbimit

Nr. 65 / Prot.

Tiranë, më 18.01.2017

Lënda: Kthim përgjigje

Drejtuar: Znj. Enkelejda PULAJ
Rruga "Vaso Pasha", nr.7

TIRANË

E nderuar znj. Pulaj,

Në cilësinë e kërkesit, keni depozituar në rrugë elektronike, kërkesën për dhënie informacioni, regjistruar në regjistrin e kërkesave dhe përgjigjeve me numër rendor 14 datë 30.12.2016, bazuar në Ligjin nr.119/2014 "Për të drejtën e informimit, në të cilën, ju si përfaqësuese e z.Zija Hidri, kërkonti informacion në lidhje me vijimësinë e kërkesës së depozituar në datë 29.03.2016, në DPT për Drejtorinë e Hetimit Tatimor, nga z.Zija Hidri si kallëzim për fshehje pasurie etj ndaj shtetasit Arif Vrenozit.

Pas shqyrtimit të kërkesës, e cila ishte në përputhje me nenin 11 të Ligjit nr.119/2014, "Për të drejtën e Informimit", ju sqarojmë si më poshtë vijon:

Kërkesa juaj, e datës 29.03.2016, depozituar në Drejtorinë e Përgjithshme të Tatimeve, është trajtuar nga Drejtoria e Hetimit Tatimor në DPT si dhe nga D.H.T. Rajoni Qendror Tiranë.

Ligji nr.9920, datë 19.05.2008 "Për procedurat tatimore", i ndryshuar, në nenin 24 dhe 25, përcakton në mënyrë të qartë autoritetet dhe rrethanat, të cilave Administratat Tatimore mund dhe duhet t'iu ofrojë, pas kërkesës me shkrim, informacion tatimor për tatimpaguesit, të administruar prej saj dhe konkretisht citojmë: *"Informacioni tatimor për tatimpaguesin, i administruar nga administrata tatimore, u ofrohet pa pagesë autoriteteve të përcaktuara në këtë nen, pas depozitimit të kërkesës me shkrim dhe kur verifikohen rrethanat e mëposhtme:*

- a) gjyqtarit, nëse është në gjykim ose në hetim të një çështjeje civile, të lidhur me një tatimpagues, për pjesën që u takon marrëdhënieve të tij me administratën tatimore;
- b) gjyqtarit apo prokurorit, nëse është në gjykim ose në hetim të një çështjeje penale, të lidhur me një tatimpagues, për pjesën që u takon marrëdhënieve të tij me administratën tatimore;
- c) Kontrollit të Lartë të Shtetit, vetëm për rastet, kur kërkesa e bërë është në funksion të kontrollit të kryer nga ky institucion ndaj administratës tatimore, në funksion të hartimit të rekomandimeve të veta;

- c) autoritetit të ngjashëm të huaj, me të cilin Kuvendi ka ratifikuar marrëveshje ndërkombëtare dhe informacioni kërkohet në kuadër të ekzekutimit të marrëveshjes;
- d) autoritetit homolog të huaj ose autoriteteve vendase, me të cilat Drejtoria e Përgjithshme e Tatimeve ka nënshkruar marrëveshje bashkëpunimi dy ose shumëpalëshe, me objekt shkëmbimin e informacionit;
- dh) institucioneve të pavarura, të krijuara me ligj;
- e) çdo autoriteti tjetër, sipas parashikimit të bërë me ligj të veçantë.”

Për sa më sipër, duke mos qenë subjekt i nenit 24, të Ligjit nr.9920, datë 19.05.2008 “Për procedurat Tatimore në Republikën e Shqipërisë”, nuk mund t’ju ofrojmë informacion në lidhje me kërkesën e paraqitur nga ju.

Në kushtet që, ky dokumentacion shkresor mund t’ju nevojitet me qëllim për tu paraqitur si provë në çështjen gjyqësore ku mund të jeni palë, sqarojmë se një kopje e njësuar e tij mund t’i vihet në dispozicion Prokurorisë apo Gjykatës, pas kërkesave të tyre, konform dispozitave të nenit 6/3 të Ligjit nr.9109, datë 17.07.2003 “Për Avokatinë”, i ndryshuar.

Ju falenderojmë për mirëkuptimin,

ZV/DREJTOR I PËRGJITHSHËM

XHAVIT ÇURRI

